

Ingoa: _____ Rangi: ____/____/____

Uira

Nā Manu Aute

Whatukura

Koinei te wiki kohinga parapara kore hangarua. Ki ētahi tāngata he parapara noa iho, engari, ki ētahi atu he mea whaipāinga kē. I te Rātapu i runga i tā māua tiro tiro ka kitea e māua tētahi moua tino tawhito, me tētahi waka kawē kai kua pākarukaru, me tētahi tūru, e rua noa iho ōna waewae.

“Ka nui ēnei kohinga Hinemaia.”

I te Mane, i tōku taenga atu ki te kura, ka whakatoī mai ētahi tokorua nō te mea i kite rāua i a māua ko tōku matua e hamuhamu ana i roto i ā rātou parapara. Ka pōuri tōku ngākau, ka tuohu tōku mähunga i te whakamā.

Ia ahiahi, ka āwhina ahau i a Pāpā ki te hanga i taku tōneke. Tuatahi ko te papa, tuarua, ko ngā wīra, ngā kakau, me te tūru. Nāna i mahi he pereki, kia āta haere, hei whakatū hoki i te tōneke ina tere rawa te haere. Pīrangi tonu au ki te āwhina, engari, e whakaae ana ahau, mā Pāpā e mahi.

Mōata tonu taku oho i tōku rā whānau, kapakapa ana tōku manawa. Mīharo ana te kite atu i taku tōneke. Aue! Te ātaahua hoki. Taro ake ka tae atu māua ko Pāpā ki te papa tākaro. I reira hoki aua tokorua i kata rā ki a māua ko Pāpā. “Ka mau te wehi o tō tōneke, Hinemaia. Nā wai i hanga?” “U i, i! He pai rawa atu!” tā rāua.

Hei te mutunga ko Hinemaia te whetū o te rā. He aha i pēnei ai? Nō tō māua hokinga ki te kāinga ka kī atu au. “Kia ora anō koe Pāpā. Koinei te tōneke o ngā tōneke. Me tapa e au ko Uira.” “Kei a koe mō tēnā Hinemaia.” te kī a Pāpā.